

*Var. quadripunctata* Reut.: Superne sangvinea, capite, clavo medio maculaque magna anguli interioris corii nec non membrana nigris.

Tunisia, D. J. Sahlberg (Mus. Helsingf.).

*Var. rufipes* Reut.: Ut var. *aterrima* Garb., sed fémoribus rubris, tibiis basi anguste nigris.

Carthago, D. J. Sahlberg (Mus. Helsingf.).

## 6. **Systellonotus Putoni** Reut.

Hem. Gymn. IV, 129, 4.

*Femina* (hactenus ignota): Corpus nigrum, glabrum, sat nitidum; capite breviter pilosulo basi pronoti distinctissime latiore, ab antico viso sub-triangulari, vertice horizontali, fronte subperpendiculari, infra oculos longe producto, parte postoculari a latere visa oculo saltem  $\frac{1}{3}$  angustiore, vertice oculis vix altiore et his duplo latiore; antennis totis nigris, articulo primo apicem clypei haud attingente, secundo primo vix triplo longiore et latitudine capitidis paullo longiore, tertio secundo paullo breviore; pronoto latitudini basali aequve longo, apice et basi fere aequve lato, strictura apicali distinctissima, basi subtruncato, ante marginem basalem et angulos basales distincte impresso, disco sat fortiter convexo; scutello medio arcuatim impresso; hemicylindris scutello fere duplo longioribus, apice divaricatim late rotundatis, sericeonigris, macula laterali triangulari alba notatis, pone hanc levissime nitidulis, commissura scutello aequae longa; abdomine globoso-ovali, basi fortiter constricto, segmento primo connexivi macula alba apicali notato, segmento primo dorsali margine apicali utrinque tenuiter albido, secundo sericeo-nigro, reliquis sat nitidis, sexto utroque praecedentium longiore et primo aequae longo, segmento genitali superne basi plumbeo-nitente; pedibus subglabris, nigris, tibiis apicem versus sordide pallidis. Long.  $2\frac{3}{4}$  mm.

Tunisia (Gabes!), D. Noualhier (Mus. Paris.).